



# ՊԵՏՐՈՍ ԴՈՒՐՅԱՆ

## ԼՃԱԿ

Ինչու՞ ապշած ես, Լճակ,  
Ու չեն խայտար քու այլակք  
Միթե հայլվուդ մեջ անձկավ  
Գեղուհի՞ մը նայեցավ:

Եվ կամ միթե կըզմայլի՞ն  
Ալյակքդ երկնի կապույտին,  
Եվ այն ամպոց լուսափթիթ,  
Որք նըմանին փրփուրքիդ:

Մեկամաղձոտ լճակդ իմ,  
Քեզ հետ ըլլանք մըտերիմ,  
Միրեն քեզի պես ես ալ  
Գրավվիլ, լռեմ ու խոկալ:

Որքան ունիս դու ալի  
Ճակատս այնքան խոկ ունի,  
Որքան ունիս դու փրփուր՝  
Միրտս այնքան խոց ունի բյուր:

Այլ եթե գոգդ ալ թափին  
Բույլքն աստեղաց երկնքին,  
Նըմանիլ չես կրնար դուն

Հոգվույս՝ որ է բոց անհուն:

Հող աստղերը չեն մեռնիր,  
Ծաղիկներն հող չեն թոռնիր,  
Ամպերը չեն թռչեր հող,  
Երբ խաղաղ եք դու և օդ,

Լճակ, դու ես թագուհիս,  
Զի թիովե մալ խորշումիս,  
Դարձյալ խորքիդ մեջ խրոով  
Զիս կը պահես դողողալով:

Շատերը գիս մերժեցին,  
«Քնար մունի սուկ - ըսին.  
Մին՝ «դողողոջ է, գույն չունի-»  
Մյուսն ալ ըսավ - «Կը մեռնի»:

Ոչ ոք ըսավ - «Հե՛գ տղա,  
Արդյոք ինչո՞ւ կը մըխա,  
Թերեևս ըլլա գեղանի,  
Թե որ սիրեմ չը մեռնի»:

Ոչ ոք ըսավ - «Մա տըղին  
Պատռենք սիրտը տըրտմագին,  
Նայինք ինչե՛ր գրված կան...»  
- Հոն հրդեհ կա, ոչ մատյան:

Հոն կա մոխի՛ր... հիշատա՛կ...  
Ալյակքդ հուզին թող, լճակ,  
Զի քու խորքիդ մեջ անձկավ  
Հուսահատ մը նայեցավ...

1871"